

***** DIARIO Espectaculo *****

Locutornan honra cu cd di carnaval

==Despues di a haci entrega oficial na SAC di e CD "Carnaval", Sr.Edwin Zichem a presenta den studionan di Voz di Aruba pa honra Juan Carlos Hill y Victor Pietersz cu un di e grabacionnan.

Juan Carlos y Victor a percura pa busca e materialnan pa e CD, cual ta 5 di e 28 cancionnan cu Edwin Zichem a graba riba disco 78rpm pa e seyo Padu Records.

E 5 cancionnan riba e CD ta e 5 hitnan di mas grandi di Edwin Zichem y tur ta composicionnan di Rufo Wever (q.e.p.d.)

Na 1954 el a graba "Carnaval" cu awendia ta ser considera como e himno di carnaval di Aruba. Prome cu esey el a graba entre 1951 y 1952 e otro cancionnan,

"Mes ora", "Tocado", "Mosa Bonita" y "Elenita" cu ta riba e mini CD.

Oscar Fernandez a percura pa Re-Mastering di e grabacion mientras cu Ruvette Dirksz a percura pa e "cover" di e CD.

EDWIN ZICHEM

Pa skirbi algo riba Edwin Zichem e biaha aki mi no tabata tin ningun kibramento di cabez, pasobra mi por referi riba loka tin di informacion den e CD.

Edwin Zichem for di su 14 aña a haya les di musica cerca frerenan, despues a toca den un banda di frere como trompetista y na 1948 el a cuminsa canta pa "Caribbean Boys"

Despues di Caribbean Boys, Edwin a bay canta cu "Sonora del Caribe" y a keda un aña cu e conhunto

aki.Sr. Janchi Arends a acerca Edwin pa e mes lanta su conhunto y cu Janchi tabata dispuesto pa patrocina esaki. Esaki a bira fundacion di "Estrella Lucky Strike" y Mario S. Arends a bira patrocinador pa un aña. Despues Eddie lacle a acerca Edwin pa patrocina e

conhunto y e nomber a cambia pa "Estrella Rey de Copas".

E aña bao di patrocinio aki tabata ultimo biaha cu e conhunto a toca cu patrocinador.

Despues e nomber a cambia y keda permanente como "Sensacion Musical" cu Edwin como cantante y manager, acompaña pa Oscar Steba como director musical y areglita di e banda.

E otro cantantenan tabata Juancho Kock, Erwin Tujeehut, y Tirso Steba.

Sensacion Musical tabata un conhunto hopi gusta na Aruba y tabata domina practicamente e fiestanan bailable.

Despues di hopi exito y bihenan pa exterior e conhunto a stop di toca na 1969. Edwin a graba un total di 28 cancion hunto cu Padu y Rufo Wever riba disco di 78 rpm bao di e seyo Padu Records.

E cancionnan cu a bira exito tabata "Elenita", "Tocado", "Mosa Bonita" y un sin fin di cancionnan mas.

Riba e mini CD por scucha e cancionnan aki hunto cu "Mes Ora" y "Carnaval".

YEGADA DI CD

Tres aña pasa Ruvette Dirksz cu ta nieta di Edwin, tabata trahando na canal 90 y a bin cu e idea pa pone e

cancion "Carnaval" cu ta graba riba disco 78, riba un CD.

Pa cumpli cu e deseo aki el a haya cooperacion di Victor Pietersz, Juan Carlos Hill y Oscar Fernandez.

Tabata danki na e tres personanan aki cu a logra e CD aki.

Prome biaha cu a graba "Carnaval", esaki a tuma luar den sala di cas di Rufo Wever (q.e.p.d.), cual sala a wordo converti den un Studio di grabacion.

Cortina a wordo colga diki diki na porta y ventana pa haya un bon sonido paden y pa wanta sonido di caya pafo.

Padu del Caribe tabata tin un grabador y e mes tabata opera esaki.

E tabata check sonido y sin kop-telefono, solamente tira bisa riba e meter pasobra no tabata existi stereo e tempo ey tampoco.

Tur grabacion tabata wordo haci cu un microfono y "no tabata existi rieu corda canal" manera Edwin ta bisa.

Mayoria di grabacion tabata ser haci riba diadomingo di 10 or mainta pa 5 or atardi pasobra tabata e dia cu menos trafico y riba un diadomingo tabata graba 3 pa 4 disco.

Kico e cancionnan graba ta, por lesa den e otro articulo.

Juby Naar.



Participate with every purchase and

WIN THIS THE ULTIMATE


GAMING CONSOLE

LEVEL 7 Videogames Center

Schotlandstraat 45 Tel: 588-0642

Pa bo animacion musical

Miniteca



PA RESERVACION
POR YAMA NOS NA TEL:
5672656 / 5624736

(With the best light effects, sound, and it's on the island)